

**SAMOSTALNI SINDIKAT RADNIKA RUDNIKA UGLJA  
U FEDERACIJI BOSNE I HERCEGOVINE**

**SAMOSTALNI SINDIKAT RUDARA  
U FEDERACIJI BOSNE I HERCEGOVINE**

Broj: 1200 /18

Broj: 37 /18

Sarajevo: 12.01 2018.godine

Tuzla: 10.09 2018.godine

**PARLAMENT FEDERACIJE BOSNE I HERCEGOVINE**

- Predsjedavajući Predstavničkog doma Parlamenta FBiH
- Predsjednici klubova političkih stranaka u Predstavničkom domu Parlamenta FBiH
- Poslanici u Predstavničkom domu Parlamenta FBiH
- Predsjedavajući Doma naroda u Parlamentu FBiH
- Predsjedavajući Doma naroda u Parlamentu FBiH
- Delegati Doma naroda u Parlamentu FBiH

**VLADA FEDERACIJE BOSNE I HERCEGOVINE**

n/r Premijer: Fadil Novalić

n/r Ministar za rad i socijalnu politiku: Vesko Drljača

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Priljeno: 11-01-2018			
Org. jed.	Broj	Priloga	Vrijednost
01,01/k			
02,02/k	02	1881	17

## Z a h t j e v

**za definisanje statusa radnika u rudnicima uglja u FBiH u Zakonu o PIO/MIO FBiH koji je u parlamentarnoj proceduri**

Organi Samostalnog sindikata rudara u FBiH sa posebnom pažnjom prate legislativu vezanu za položaj radnika u rudnicima u FBiH, pa tako i donošenje novog Zakona o PIO/MIO Federacije BiH.

Nakon rasprave o nacrtu predmetnog zakona, uvažavajući sve vrste zanimanja, te zahtjeve pojedinih grupacija o posebnom statusu u pomenutom zakonu kao i sve razloge donošenja ovog zakona u okviru Reformske agende, argumentovano tvrdimo da je rudarsko zanimanje jedno od najrizičnijih zanimanja u FBiH, te da rudari u ovom zakonu zaslužuju poseban status, prema navedenim adresatima upućujemo sledeće zahtjeve:

- **Odredbama Zakona o PIO/MIO F BiH svim radnicima u rudnicima uglja u FBiH obračun visine penzije vršiti na osnovu najpovoljnijeg petogodišnjeg prosjeka plaće.**
- **U slučaju ne mogućnosti regulisanja ovog pitanja kroz Zakon o PIO/MIO FBiH pokrenuti inicijativu za donošenje drugih oblika zakonskih rješenja kojima bi bilo regulisano predmetno pitanje.**

Argumente za upućivanje ovog zahtjeva pronalazimo u činjenici da je rudarsko zanimanje prema odredbama zakonskih propisa ocjenjeno kao najrizičnije zanimanje, te da rudnici u Federaciji BiH predstavljaju oslonac privrednog razvoja cjelokupne FBiH. Činjenica je da je status rudara i u dosadašnjim propisima minimiziran u odnosu na druga zanimanja, misleći prije svega na državne službenike koji su izvan okvira Zakona o radu jer se na njih odnosi poseban zakon koji je „lex specialis“ za njihov status iako pomenuta grupacija svoja primanja ostvaruje kroz poreze i doprinose od rudara i drugih radnika iz realnog sektora.

Svjesni smo činjenice da Zakon o PIO/MIO spada u zakone reformske agende i radnici rudnika u FBiH, kao zaposlenici društveno odgovornih kompanija, nisu htjeli vršiti pritisak na bilo koju instituciju u proceduri donošenja ovog zakona iako nas ima preko 11.000 u tom sektoru i predstavljamo značajnu snagu koja poznaje instrumente pritiska na institucije koje donose zakonska rješenja.

Međutim, obzirom da takve institucije podliježu pritiscima onih koji se bave daleko lakšim zanimanjima i stvaraju im prostor za poseban status, u interesu rudara u F BiH ne možemo ostati nijemi i kao predstavnici istih dopustiti da u odnosu na druge budu neravnopravno tretirani, što ničim nije opravdano, što nije moralno i što je protiv dostojanstva onih koji svoju egzistenciju i egzistenciju svojih porodica obezbjeđuju nekoliko stotina metara pod zemljom zarađujući tzv. „hljeb sa sedam kora“ puneći budžete iz kojih će prema sadašnjoj situaciji najveću korist imati oni koji se „kravatirani“ šetaju ulicama, egoistično nastupaju pred institucijama bez emotivne veze sa bilo kojim drugim zanimanjima.

*Sretno!*

**Dostavljeno:**

-Naslavu

-a/a

**Predsjednik SSRRU u FBiH**

*Sinan Husić*

**PREDSJEDNIK SS RUDARA U FBiH**

*Dr.sc.Safer Mušanović, dipl. Ing. maš.*